



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 68. Tertium Colloquium.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

censura a Madrutio Cardinali, ceteris-
 que omnibus excepto solo Bovio die Sæcul. XVI.
A.C. 1599.
 duodecima Martii hoc anno approbata
 est: cum vero Bellarminus jam semel
 auctoritate, qua pollebat, summum Pon-
 tificem eo induxisset, ut Fratres Prædi-
 catores litem contra Molinæ doctrinam
 prosequi præpedirentur, facile etiam ab
 eodem Papa obtinuit, ut is præcipua de
 auxiliis capita, seu quæstiones ab utra-
 que parte proponi, ac perpendi juberet:
 quapropter Bellarminus sex conscripse-
 rat quæstiones, quæ utriusque Ordinis
 Generalibus eo fine traderentur, ut in
 proximo Conventu sua desuper respon-
 sa darent.

§. LXVIII.

Tertium Colloquium.

Præstituta die Madrutius Præses una-
 cum Bernerio Asculano, & Bellar- Hist. Congr.
l.c.
 mino, Fratrum Prædicatorum, ac Je-
 suitarum Generalibus, eorumque Theo-
 logis præfatas sex quæstiones scripto e-
 ditas proponebat, quarum summa hæc
 erat. I. An ad eliciendam liberam mor-
 taliter bonam operationem necessaria
 sit physica prædeterminatio. II. Utrum
 ad realem entitatem actionis malæ ho-
 mo a Deo physice prædeterminetur.
 III. An gratia efficax in physica Dei
 prædefinitione, vel in congrua Dei vo-
 catione

Sæcul. XVI.
A. C. 1599.

catione consistat, IV. An Gratia sufficiens sit homini intrinseca, & competenter sufficiens ad actum primum sine prædeterminatione. V: An Deus cognoscat infallibiliter omnia futura contingentia, quæ positis his, vel illis conditionibus futura essent. VI. An voluntate requiratur indifferentia, quæ positis omnibus ex parte actus primi requisitis possit in sensu composito operari. Equidem ad hæc quæstiones quivis Scholæ Thomisticæ discipulus facili negotio respondere potuisset, Fratres tamèn Prædicatores, cum illas Cardinali Bellarmino concordi Jesuitarum voluntate eo fine concinnatas existimarent, ut omisso Molinianæ doctrinæ examine nova lis adversus eos moveretur, ad sex hæc propositiones respondere detrectarunt, polliciti, quod alias quæstiones proposituri essent. Ne eorum promissis fidei constantia deerat, quippe intra paucos dies alias concinnabant quæstiones, quas Madrutius Cardinalis ex Fratrum Prædicatorum Apologia desumptas Cardinalibus Ascanino, & Bellarmino tradidit utriusque Ordinis Generalibus, eorumque Theologis communicandas: harum vero summa hæc erat: I. Utrum ante bonum liberi arbitrii usum, ut disponatur ad justificationem, & salutem, necessaria sit præ-

Sæcul.XVI.
A.C.1599.

destinatio. II. Utrum posita ejusmodi prædestinatione nulla libertas homini ad præfatam dispositionem, vitamque æternam consequendam relinquatur. III. Utrum prædefinitio divina sit de se causa efficiens ejusmodi actum. IV. An auxiliorum efficacia vel ex illismet ipsis, vel ex ipso libero arbitrio oriatur. V. Utrum divina prædestinatio sit diminuta in effectibus, seu mediis necessariis ad salutem, & justificationem. VI. An prædestinatio se efficaciter extendat ad bonum illum liberi arbitrii usum. VII. An talis usus sit duntaxat præscitus a Deo, non autem prædestinatus. VIII. An talis bonus usus præscitus sit ratio prædestinationis. Die vigesima nona Martii in quarta Inquisitorum Congregatione, quæ tertia partium collatio erat, Bellarminus ad propositas suas sex quæstiones primo a Fratibus Prædicatoribus respondendum esse contendebat: si vero id ab eis obtineri non posset, saltem decerni postulabat, ut eodem tempore utriusque partis quæstionibus simul ambo responderent. Ex adverso Prædicatorum Generalis annuente Bernerio Cardinali ad Jesuitarum quæstiones respondere renuebat, nisi prius Jesuitæ ad propositiones a Dominicanis politas sua responsa darent: ast mutua
hac

Sæcul. XVI. hac altercatione tempus terebatur, re
A.C. 1599. que infecta discessum est.

§. LXIX.

*Jesuitæ ad Dominicanorum quæstio-
 nes prius respondere jussi.*

Hist. controu. Die decima quinta Aprilis habita est
l. c. coram summo Pontifice Clemente
Hist. Congr. VIII. alia Cardinalium Inquisitorum
l. 2. c. 5. Congregatio numero quinta, in qua Car-
 dinalis Madrutius utpote harum Congre-
 gationum Præses, quæ in priori collo-
 quio ultro, citroque agitata fuere, ex-
 ponebat, significans, quod Fratres Præ-
 dicatores ad Jesuitarum quæstiones pri-
 mi respondere, & quidem ex eo capite
 detrectarent, eoquod ipsi non modo an-
 tiquitatis prærogativa priores essent, sed
 etiam hac in causa primi Actores inter-
 rogata conscripissent, ad quæ Jesuitas
 utpote accusatos respondere oporteret.
 de cetero autem ipsi quoque postea ad
 quæstiones a Bellarmino propositas re-
 spondere ultro parati forent. Perceptis
 hisce rationibus summus Pontifex de
 petitionis æquitate convictus decerne-
 bat, omnino Religionis antiquitati eum
 honorem esse deferendum, nec non Jesui-
 tas adigendos, ut ad aliquandam Mo-
 linæ causam omissis Bellarmini quæstio-
 nibus primo ad eas responderent, quas
 Cardinalis Madrutius ex Fratrum Præ-
 dica-